

HEILBRIGÐISNEFND AUSTURLANDS

STARFSLEYFI

Starfsleyfishafi: Hreinsitækni ehf.
kt. 621293-2069

Starfsstöð: Lagarbraut 4, 701 Egilsstaðir

Leyfið gildir frá 7. september 2021 til 7. september 2033

Um er að ræða starfsleyfi fyrir

- viðgerðaraðstöðu eigin véla
- söfnun og flutningi á sérstökum úrgangi og seyru

Starfsleyfi þetta er gefið út samkvæmt ákvæðum laga nr. 7/1998 um hollustuhætti og mengunarvarnir m.s.br. og skv. reglugerð nr. 550/2018 um losun frá atvinnurekstri og mengunarvarnaeftirlit.

Leyfishafi skal einnig hlíta ákvæðum annarra laga og reglugerða sem um starfsemina kunna að gilda og starfsleyfisskilyrðum sem fylgja starfsleyfi þessu og eru óaðskiljanlegur hluti þess.

Fyrirhugaðar breytingar á húsnæði, framleiðslu eða rekstri skulu gerðar í samráði við Heilbrigðiseftirlit Austurlands. Við flutning eða eigendaskipti fellur starfsleyfið úr gildi.

Framsal þessa leyfis er óheimilt. Skyld er að framvísa starfsleyfisskilyrðum þegar opinber eftirlitsaðili óskar þess. Starfsleyfi þetta skal hanga uppi á áberandi stað.

Starfsleyfið er gefið út til 12 ára. Heimilt er að endurskoða og breyta starfsleyfi áður en gildistími þess er liðinn vegna breyttra forsendna, svo sem ef mengun af völdum atvinnurekstrar er meiri en búist var við þegar leyfið var gefið út, ef breytingar verða á rekstrinum sem varðað geta ákvæði starfsleyfis, vegna tækniþróunar eða breytinga á reglum um mengunarvarnir, eða ef breyting verður á aðalskipulagi viðkomandi sveitarfélags.

Starfsleyfishafi skal greiða starfsleyfis- og eftirlitsgjöld samkvæmt gildandi gjaldskrá HAUST hverju sinni. Eftirlitsgjöld verða innheimt samkvæmt ákvæðum ofangreindra laga þar til forsvarsmaður hefur tilkynnt stöðvun rekstrar og heilbrigðiseftirlit staðfest það.

f.h. Heilbrigðisnefndar Austurlands


Dröfn Svabjörnsdóttir,
heilbrigðisfulltrúi



HAUST

Heilbrigðiseftirlit Austurlands

Starfsleyfisskilyrði

Heilbrigðisnefndar Austurlands

Starfsleyfishafi: Hreinsitækni ehf., kt. 621293-2069

Starfsstöð: Lagarbraut 4, 701 Egilsstaðir

Leyfið gildir frá 7. september 2021 til 7. september 2033

Um er að ræða starfsleyfi fyrir:

- **viðgerðaraðstöðu eigin véla**
- **söfnun og flutning á sérstökum úrgangi og seyru**

Starfsleyfi þetta er gefið út samkvæmt neðangreindum lögum og á grunni umsóknar dags. 3. maí 2021.

Lög sem um starfsemina gilda eru m.a.

- *Lög nr. 7/1998 um hollustuhætti og mengunarvarnir m.s.br.*
- *Lög nr. 55/2003 um meðhöndlun úrgangs m.s.br.*

Leyfishafi skal einnig hlíta ákvæðum annarra laga og reglugerða sem um starfsemina gilda s.s.

- *Reglugerð nr. 1400/2020 um mengaðan jarðveg*
- *Reglugerð nr. 550/2018 um losun frá atvinnurekstri og mengunarvarnareftirlit*
- *Reglugerð nr. 884/2017 um varnir gegn olíumengun frá starfsemi á landi*
- *Reglugerð nr. 737/2003 um meðhöndlun úrgangs m.s.br.*
- *Reglugerð nr. 799/1999 um meðhöndlun seyru*
- *Reglugerð nr. 806/1999 um spilliefni m.s.br.*

Spilliefni: úrgangur sem inniheldur efni sem haft geta mengandi eða óæskileg áhrif á umhverfið hvort sem þau eru óblönduð eða hluti af öðrum efnum, vörum eða umbúðum sem komist hafa í snertingu við spilliefni og skráð eru á lista sem spilliefni í reglugerð um skrá yfir spilliefni og annan úrgang.

1. Lýsing á starfseminni og skilyrði sem gilda

1.1. Viðgerðaraðstaða eigin véla

Um er að verkstæðisaðstöðu fyrir tæki og vélar í eigu starfsleyfishafa.

1.2. Söfnun og flutningur á sérstökum úrgangi og seyru

Starfsemi fyrirtækisins felst í holræsaheinsun, þ.e. stíflu- og lagnahreinsun, tæmingu rotþróa og flutningi á seyru, brunnum, fituskiljum, sandföngum o.þ.h.

Um starfsemina gilda m.a.

- *Fylgiskjal I - Almenn starfsleyfisskilyrði fyrir mengandi starfsemi*
- *Fylgiskjal II – Starfsleyfisskilyrði fyrir bifreiðaverkstæði og skyldan rekstur*
- *Fylgiskjal III - Sértek starfsleyfisskilyrði fyrir hreinsanir á fráveitukerfum, tæmingar á rotþróum, ræsum, skiljum, olíutönkum og skyldum búnaði*

2. Mengunarvarnir

Starfsleyfishafi skal eins og kostur er fyrirbyggja eða draga úr mengun lofts, láðs og/eða lagar sem kann að stafa frá starfsemi fyrirtækisins með viðeigandi aðferðum og mengunarvarnarbúnaði. Starfsleyfishafi skal beita samþættum mengunarvörnum þar sem það á við, svo að ráðstafanir til að draga úr tiltekinni mengun í einum viðtaka valdi ekki eða auki mengun í öðrum. Beita skal bestu aðgengilegu tækni (BAT) við mengunarvarnir í þeim tilvikum sem hún hefur verið skilgreind.

Engar breytingar verði gerðar á frárennsli sem skerði mengunarvarnir sem fyrir eru né takmarki möguleika á að koma þeim fyrir í framtíðinni.

2.1. Mengunarvarnir

Samkvæmt umsókn er til staðar olíugildra, fitugildra, slógbrunnur og sandfang.

2.2. Mengunarvarnarbúnaður

Mengunarvarnarbúnaður, t.d. sérstök ídræg efni eða mottur, skal vera tiltækur til að bregðast við minni mengunaróhöppum. Auk þess skal hafa tiltækan búnað til að loka niðurföllum eða hindra á annan hátt að olía geti borist í niðurföll.

2.3. Meðferð úrgangs

Skylt er að nota sorpilát sem Heilbrigðiseftirlit hefur samþykkt.

Spilliefnum skal skila til viðurkenndrar móttökustöðvar og taka kvittanir fyrir skilum.

2.4. Lóð og umhverfismál

Umgengni um lóð og athafnasvæði skal vera góð og lóðamörk skulu virt. Rekstraraðili skal halda athafnasvæði sínu snyrtilegu og tryggja að þar séu engir hlutir eða efni sem ekki tilheyra starfseminni.

3. Innra eftirlit og skráningar

Rekstraraðili skal viðhafa eigið eftirlit með starfseminni sem m.a. er fólgin í skráningu á eftirfarandi ef við á:

- Kvittunum vegna skil á spilliefnum skal haldið til haga og þær skulu vera aðgengilegar eftirlitsaðila til skoðunar í starfsstöðinni.
- Mengunaróhöpp og viðbrögð við þeim.
- Halda skal skrá yfir olíugeyma starfsstöðvar, þ.e. fyrir neyslu-, húsa- eða lausageyma sem eru í notkun.

4. Mengunarslys

Komi til atvika sem geta haft umtalsverð áhrif á umhverfið skal tafarlaust gripið til ráðstafana til að hindra að efni eða úrgangur berist í umhverfið eða í niðurföll.

Slík atvik skal tilkynna til Heilbrigðiseftirlits Austurlands.

7. september 2021

Virðingarfyllt,

f.h. Heilbrigðisnefndar Austurlands



Dröfn Svabjörnsdóttir,
heilbrigðisfulltrúi

7. september 2021

Hreinsitækni ehf.
Stórhöfða 37
110 Reykjavík

Greinargerð um útgáfu starfsleyfis fyrir Hreinsitækni ehf. að Lagarbraut 4, 701 Egilsstöðum

Umsókn um endurnýjun/breytingu á starfsleyfi vegna söfnun og flutning á sérstökum úrgangi og seyru og verkstæðisaðstöðu að Lagarbraut 4, 701 Egilsstöðum barst 3.5.2021. Umsækjandi er Hreinsitækni ehf., kt. 621293-2069.

Málsmeðferð við vinnslu starfsleyfisins hefur verið í samræmi við ákvæði í 6 gr. reglugerðar nr. 550/2108 um losun frá atvinnurekstri og mengunarvarnaeftirlit.

Drög að starfsleyfi voru útbúin og auglýst á heimasíðu HAUST þann 5. ágúst sl. og veittur fjögurra vikna frestur til athugasemda. Frestur til að gera athugasemdir rann út þann 2. september 2020.

Engar athugasemdir bárust við starfsleyfisdrögin innan auglýsts frests.

Engar breytingar voru gerðar á útgefnu starfsleyfi frá auglýstri tillögu.

Virðingarfyllst, f.h. Heilbrigðisnefndar Austurlands



Dröfn Svabjörnsdóttir,
Heilbrigðisfulltrúi

Samkvæmt 1. mgr. 65. gr. Laga nr. 7/1998 um hollustuhætti og mengunarvarnir er heimilt að vísa ákvörðun heilbrigðisnefndar í máli þessu til úrskurðarnefndar umhverfis- og auðlindamála. Um aðild, kærufrest, málsmeðferð og annað er varðar kæru til úrskurðarnefndar umhverfis- og auðlindamál fer skv. lögum nr. 130/2011 um úrskurðarnefnd umhverfis- og auðlindamála. Kæra til nefndarinnar frestar ekki réttaráhrifum ákvörðunarinnar. Frestur til að vísa málinu til úrskurðarnefndar er einn mánuður frá því að kæranda varð kunnugt eða mátti vera kunnugt um ákvörðunina. Kæra skal vera skrifleg og undirrituð.